

## **Rapport dalla sessiun dil cussegl da vischnaunca dils 09-11-2020**

### **Tractanda 1**

### **Approbaziun dil protocol dalla sessiun dils 18-05-2020**

Il protocol dalla sessiun dils 18 da matg 2020 vegn approbaus en votaziun unanima cun engraziament.

### **Tractanda 2**

### **Informaziun davart il campadi Ogna**

Il president dil cussegl d'administraziun dalla Campadi Trun SA, Hansueli Baier, informescha davart il menaschi dil campadi.

### **Tractanda 3**

### **Damonda per ina garanzia solidarica da frs. 840'000.- en favur dalla Campadi Trun SA per la sanaziun dil provediment d'aua ed electric**

La societad acziunara Campadi Trun sto sanar il provediment d'aua ed electric pils plazs da campar stabels. Il stan dils indrezs actuals ei desolats. Ils conducts d'aua corrispundan buca pli allas prescripziuns da higiena e la segirtad dalla reit electrica ei gia dapi entgin temps buca pli garantida. Il basegn d'agir ei grond. Il project che cuosta rodund frs. 700'000.- cumpeggia plinvaon ina reit d'internet (W-Lan) ed adattaziuns vid il Prau America per saver crear novs plazs per auto-rulottas.

Per la finanziaziun dil project basegna la Campadi Trun SA in credit dalla banca. La banca pretenda ina garanzia solidarica dalla vischnaunca ell'altezia da 120 pertschien dalla summa da credit.

**Cun 12 : 1 vusch e duas abstenziuns decida il cussegl da vischnaunca da conceder la garanzia solicarica da frs. 840'000.- en favur dalla Campadi Trun SA.**

La decisiun vegn suttamessa alla radunonza communal tenor artechel 33 alinea d dalla costituziun communal.

### **Tractanda 4**

### **Damonda da credit per ina contribuziun da frs. 100'000.- ed ina garanzia (obligaziun eventuala) da frs. 50'000.- per la societad acziunara Runal Péra**

Il runal da skis a Campliun sto urgentamein vegnir sanaus. Biros specialisai han examinau tgei che sto vegnir sanau e remplazzau vid il runal. Quei ein en emprema lingia il pilotadi, il motor e la suga. Las petgas ston vegnir stuschadas per ch'ellas seigien puspei en lingia. La summa basignada el total munta à frs. 469'000.-. L'investiziun sto vegnir fatga duront la stad 2021. Duront ils davos onns han ils cuosts da menaschi saviu vegnir cuvretgs grazia a lavur voluntaria ed a sponsurs. Reservas per investiziuns han buca saviu vegnir creadas. Aschia dispona la societad acziunara Runal Péra da paucs agens mieds. Igl ei vegniu fundau in comite da padrinadi che procura per la finanziaziun. Per recaltgar daners d'instituziuns ei il sustegn dalla vischnaunca essenzials. La suprastonza communal renconuscha l'impurtonza dil runal per la qualidad da viver a Trun e vul gidar a mantener quel.

**Il cussegl da vischnaunca conceda cun 15 : 0 vuschs la contribuziun da frs. 100'000.- per la sanaziun dil Runal Péra sco era la garanzia per ulteriurs frs. 50'000.- (obligaziun eventuala) en cass ch'ei reussescha buca da recaltgar avunda daners pil project entochen l'entschatta digl onn 2022.**

La decisiun vegn suttamessa al referendum facultativ (artechel 19 alinea b costituziun communal).

#### **Tractanda 5                      Preventiv 2021**

President communal Dumeni Tomaschett declara ch'il preventiv dil quen da gudogn e sperdita 2021 siari cun in surpli d'expensas da frs. 100'729.-. Il cashflow munta à frs. 205'035.-. Las investiziuns nettas muntan à 1'157'500 milliuns francs.

La canzlista communal presenta il preventiv dil quen da gudogn e sperdita en detagl.

Las impurtontas posiziuns el preventiv d'investiziuns secumponan ord:

1400.5290.00	Introducziun register funsil federal	frs.	70'000.00
3410.5660.00	Contribuziun Runal Péra	frs.	100'000.00
6150.5010.03	Via Chilgieri	frs.	635'000.00
8205.5010.00	Via Munt	frs.	700'000.00
8205.5010.04	Via Nadels – Via Rost	frs.	750'000.00

**Il cussegl decida cun 15 : 0 vuschs da proponer per mauns dalla radunonza da vischnaunca d'approbar:**

- **il preventiv dil quen da gudogn e sperdita che siara cun expensas da frs. 7'392'114.- ed entradas da frs. 7'291'385.-, pia cun in deficit da frs. 100'729.-.**
- **il preventiv dil quen d'investiziuns che siara tier expensas da frs. 2'255'000.- ed entradas da frs. 1'097'500.- cun in surpli d'expensas da frs. 1'157'500.-**

#### **Tractanda 6                      Fixaziun dil pei da taglia per igl onn 2021**

La suprastonza communal e la cumissiun da gestiun han examinau ils fatgs ed ein digl avis da restar per igl onn 2021 sin in pei da taglia da 105%.

**Il cussegl propona cun 15 : 0 vuschs per mauns dalla radunonza da vischnaunca da fixar la taglia communal per igl onn 2021 sin 105% dalla taglia cantunala sempl.**

#### **Tractanda 7                      Verificaziun dils resultats dallas elecziuns communalas dils 27-09-2020**

Cussegliaer Andreas Küttel declara che Rafael Guldimann ed el hagian sco commembers dalla cumissiun per la verificaziun da votaziuns controllau ils resultats dallas elecziuns communalas dils 27 da settember 2020 ed anflau tut en uorden. En num dalla cumissiun propona Andreas Küttel da verificar ils resultats publicai.

**En votaziun unanima verifichescha il cussegl ils resultats publicai dalla elecziun communal dils 27-09-2020.**

**Tractanda 8                      Pusseivladad da tschentar damondas**

Dalla pusseivladad da tschentar damondas vegn fatg diever.

**Per il cussegl da vischnaunca**

Il president	L'actuara
Wendelin Decurtins	Sandra Gautschi